

Bergroth 1905
cataloged

Bergroth 1905

Rev. Ent. France ²⁴: 104-112

— 101 —

types rec.

on computer

— 105 —

RHYNCHOTA NEOTROPICA

Descripsit E. BERGROTH



I

FAM. PENTATOMIDÆ

Edessa Signoreti Fallou

Obovata, subtus cum pedibus luteo-testacea, propleuris rude punctatis exceptis fere impunctata. Caput superne luteo-viride, antennis leviter puberulis, luteis, articulis tertio et quarto apicem versus vage fusco-tinctis, articulo secundo tertio paullo brevior, quarto tertio dimidio longiore (art. quintus deest), bucculis antice rectangularis. Pronotum luteo-testaceum, remote et profunde viridipunctatum et signis nonnullis hieroglyphicis viridibus conspersis, lateribus anticis apicem versus obtuse crenulatis, angulis lateralibus sat longe extrorsum recte prominulis, apice subrotundatis, horum margine postico levissime sinuato. Scutellum sat remote punctatum, viride, apice testaceum, frenis medium scutelli attingentibus. Hemelytra densius punctulata, lutea, dimidio externo signis hieroglyphicis viridibus notato, corio scutello longiore, membrana aurichelica. Cornua sternalia brevia, sat divaricata. Segmentum sextum abdominale in mare angulis posticis segmenta genitalia longius superans. — Long., ♂. 12,5 mill.

E. Signoreti Fallou, *Le Naturaliste*, 1887, p. 36.

Brasilia (Minas Geraes). — Typum descripsi.

This copy is being furnished for private research use only. It may not be further reproduced, resold, or used for publication. The customer assumes full responsibility for copyright questions that may arise concerning this reproduction or the use of the material.
PHOTODUPLICATION SERVICE
IOWA STATE UNIVERSITY LIBRARY

Edessa Davidi Fallou

Obovata, castanea, subtus piceo-nigra. Caput rugoso-punctatum, rostro piceo, antennis testaceis, articulo secundo tertio brevior, quinto quarto paullo longiore. Pronotum profunde subrugoso-punctatum, antice callo lato transverso humili sublaevi praeditum; angulis lateralibus modice prominulis, levissime recurvis, apice nigris, rotundatis. Scutellum corio paullo brevius, apice sat acutum, sat dense et subtiliter punctatum, basi area magna profunde et valde remote punctata, frenis medium scutelli attingentibus. Hemelytra dense subtiliter punctata, membrana subaenea. Pectus profunde rugoso-punctatum, cornubus sternalibus valde divaricatis. Venter subtiliter parce punctatus, medio laevis, segmento anali maris medio profunde rectangulariter emarginato. Pedes picei, tarsi dilutioribus. — Long., ♂. 13 mill.

E. Davidi Fallou, *Le Naturaliste*, 1887, p. 36.

Brasilia (Minas Geraes). — Typum descripsi.

Edessa bilunulata Bredd.

Haece species, e Bolivia descripta, occurrit etiam in Brasilia centrali (Jatahy in prov. Goyaz).

Stiretrus cinetellus Germ.

Ad. subg. *Oncogaster* div. *aa* Ståli pertinet.

FAM. COREIDÆ

Lybindus subtervittatus n. sp.

Oblongo-ovalis, supra niger, sat dense fortiter punctatus, capite vix punctato cum antennis subfusco-testaceo, harum articulo ultimo basi excepta fusco, limbo laterali pronoti, margine laterali corii a

basi ultra medium ac connexivo pallide flavotestaceis, subtus flavotestaceus, pectore utrinque vitta percurrente nigra in ventre dilutius et diffusius continuata notato. Caput ante antennis sat productum, rostro basin ventris subattingente, articulis tribus primis antennarum summo apice infuscatis, primo ceteris subaequalibus paulo brevioribus. Pronotum pone collare area transversa remote subtiliter punctulata instructum, marginibus lateralibus anticis subrectis, angulis lateralibus late rotundatis. Hemelytra abdomine angustiora, connexivum fere totum liberum reddentia, membrana nigro-olivacea, lumine obliquo inter venas obscure cuprea. Pectus sat dense fortiter punctatum. Abdomen lateribus rotundatum, ventre medio disperse punctulato, lateribus densius et fortius punctato, plica segmenti sexti feminae medium segmenti attingente. Pedes testacei, femoribus subtus prope apicem spinulis perpaucis minutis armatis, posticis (♀) paulo incrassatis, tibiis posticis subtus denticulis nonnullis minutis distantibus nigris instructis, metatarso postico articulo apicali distincte longiore. — Long., ♀, 13 mill.

Brasilia (Minas Geraes).

L. dichroo Stål affinis, sed statura multo latiore, magis ovali, tibiis posticis denticulatis metatarsoque postico longiore mox distinctus.

Obs.— Notis genericis *Lybini* Stål addendum est: latera capitis pone oculos callosa; spiracula ante medium segmentorum sita; plica segmenti sexti ventralis feminae sinuata, hoc segmento pone plicam fisso. Hoc genus parum cognitum, neque in scriptis posterioribus Stål neque ab aliis auctoribus descriptum, ut mihi videtur inter *Spartoceraria* americana et *Gonoceraria* mundi antiqui collocandum est, ab illis capite inter tubercula antennifera late distantia producto bucculisque magna vel maxima parte ante antennis positus, ab his pedibus posticis late distantibus, femoribus posticis spinosis et incrassatis situque spiraculorum divergens. Genera haud pauca in catalogo Lethierryi et Severini omnino prave collocata sunt. Ex. gr. genera *Molchina* Am. S. et *Curlius* Stål ad *Spartoceraria* neque ad *Mictaria* pertinent, genera *Pachylis* Lep. S. et affinia e *Mictariis* removenda sunt ut etiam *Madura* Stål e « *Centroscelidid* », etc. Systema Coreidarum Americae revisioni subjiciendum est.

Acidomeria nigricornis Stål

Variat pectore ad partem remote nigropunctato. Tylus interdum sat elevatus. Spina altera femorum interdum obsoleta.

Brasilia (Minas Geraes).

Patria hujus speciei adhuc ignota fuit.

Savius Bergi n. sp.

Elongatus, subtus cum capite toto testaceus, pronoto fusco, vittis duabus aureis antice unitis ornato, scutello testaceo, basi sparsim fuscopunctulato, hemelytris nigris, venis pallide flavis, limbo commissurali clavi et macula adjacente anguli interioris corii ferrugineis, membrana cuprea, nitidiuscula, basi intus atra opaca, limbo lato postico subtus medio angustato segmenti abdominalis sexti et segmento genitali maxima parte fusco-nigris. Antennae graciles, nigrae, articulo primo secundo longiore, tertio secundo paulo brevioribus, quarto primo paulo longiore. Ocelli inter se ac ab oculis subaeque longe distantes. Pronotum dense granulato-punctatum, angulis lateralibus subrectis, levissime prominulis, margine basali ante scutellum late levissime sinuato. Propleurae fortiter sat dense punctatae, meso- et metapleurae parcius punctatae. Clavus distincte punctatus. Corium obsoletius punctatum. Abdomen hemelytris paulo latius, angulis apicalibus segmenti quarti et quinti leviter acute prominulis, margine externo segmenti sexti pone medium dentato-prominulo. Pedes subfusco-testacei. — Long., ♀, 15 mill.

Brasilia borealis (Thomaz).

Species pulchra, a ceteris distinctissima.

FAM. PYRRHOCORIDÆ

Stenomacra limbatipennis Stål

Variat pedibus totis et antennis (vel saltem harum articulis tribus primis) rufis, lobo antico pronoti rufoferrugineo.

Brasilia (Minas Geraes).

Dysdercus albofasciatus Berg.

Var. : Pronotum antice omnino nigrum. Venter sordide flavo-albidus sine punctis fuscis, segmento quinto nigro, segmento sexto dimidio basali nigro, dimidio apicali rufo, segmentis genitalibus rufis, limbo laterali ventris toto rufo.

Brasilia (Minas Geraes).

FAM. REDUVIIDÆ

Sinea sanguisuga Stål.

Habitat etiam in America boreali (Columbus, Texas: *H. F. Wickham*).

Heza Signoreti Fallou.

Luride testacea, articulo basali antennarum fuscescente, annulis duobus latis obsoletis pallescentibus signato, margine laterali postico pronoti ante medium ac margine interno et apicali corii nigris, spinis lobi postici pronoti et spinis apicalibus segmenti quarti abdominis nigris, illis apice flavidis, membrana leviter fusco-umbrata, venis obscure fuscis. Caput lobo postico pronoti aequilongum, articulo primo antennarum capite et pronoto unitis paullo longiore, secundo capite paululum brevior, articulo primo rostri apicalibus unitis paullo brevior. Pronotum lateribus paulum pone angulos anticos rotundatos tuberculo parvo instructum, pone spinas laterales obtuse dentatum, lobo antico basi spinis duabus acutiusculis armato. Abdomen feminae usque ad apicem segmenti quarti sensim ampliatum, lateribus segmenti quinti parallelis, angulis apicalibus segmentorum quattuor primorum spinula armatis, segmentis duobus primis ventralibus medio carinatis. — Long., ♀ sine membr., 19 mill.

Debilis Signoreti Fallou, *Le Naturaliste*, 1887, p. 68.

Brasilia (Minas Geraes).

H. multiannulata Stål affinis, sed multo major, pedibus fere unicoloribus, abdomine aliter constructo et armato.

Repipta lepidula Stål

Habitat etiam in Antillis (Guadeloupe).

Zelus gradarius n. sp.

Luride subfusco-testaceus, ventre nigro-variegato. Caput pronoto parum longius, pone ocellos utrinque vittula brevi obsoleta fusca notatum, articulo primo rostri testacei parti anteculari capitis subaequilongo, antennarum (mutilarum) articulo primo saltem maxima parte obscure testaceo. Pronotum latitudine basali paullo longius, lobo antico laevi, impressione media longitudinali percurrente, postice dilatata, lobo postico subcoriaceo, antice carinulis duabus longitudinalibus instructo, spinis quattuor posticis nigris, lateralibus mediis longioribus. Hemelytra fascia lata transversa submedia et macula oblonga angusta marginis apicalis corii ad basin areae exterioris membranae fuscis signata. Pedes testacei, femoribus fusco-variegatis et subannulatis, horum sexta parte apicali rufo, dimidio basali tibiaram annulis quattuor fuscis ornato, annulis basali et subbasali angustioribus; femora antica posticis paullo longiora. — Long., 12 mill.

Brasilia (Minas Geraes).

Subgeneris *Pindi* membrum. *Z. citaticipite* Stål multo minor et aliter coloratus.

Calliclopius nigripes L.

Habitat etiam in Antillis (Guadeloupe).

Pirates grandis Fallou

Niger, parce pilosus, dimidio antico hemelytrorum, basi ac limbo externo et interno venisque exceptis, sordide fulvo, parte membranae pone cellulam internam sita nigra, maculam magnam sordide fulvam includente, hac macula dimidium apicale cellule exterioris occupante et post hanc anguste continuata, sed apicem membranae haud attingente. Caput lobo antico pronoti subaequilongum, vertice subdeplanatum, tylo basi distincte elevato, articulo

secundo antennarum primo fere dimidio longiore, tertio secundo paullo brevior, articulo ultimo rostri ferruginea. Pronotum lateribus carinato-marginatum, lobo antico postico duplo longiore, sat convexo, lobo postico antice in sulco transverso sat dense minute granulato. Scutellum apice recurvum. Prosternum postice inter coxas anticas in spinam longam supra sulcatam libere productum. Cellula interior membranae post medium sensim aequaliter angustata. Abdomen lateribus concolor. Pedes concolores, coxis anticis medium mesosterni fere superantibus, fossa spongiosa tiliarum anteriorum fere totam harum longitudinem occupante, (tarsi postici desunt). — Long., ♀. 23 mill.

Rasahus grandis Fallou, *Le Naturaliste*, 1889, p. 151.

Brasilia (Minas Geraes).

A congeneribus distinctissimus. Typum descripsi.

Spiniger Bergi n. sp.

Cum pedibus rufus, spinis pronoti nigris, antennis et hemelytris fuscis, venis costali et subcostali corii rufis, ceteris venis corii et membranae luride flaventibus. Oculi maximi, totam altitudinem capitis occupantes, supra duplo latius distantes quam subtus. Articulus antennarum secundus primo circiter quintuplo longior. Lobus anticus pronoti spinis duabus et tuberculo parvo laterali armatus, anguli laterales lobi postici in spinam producti. (Spina scutelli defracta). Pedes inermes. — Long., ♀, 16,5 mill.

Mas : Venter per segmenta quinque prima carinatus.

Brasilia (Minas Geraes).

Ad divisionem *d* (Stål) subgeneris *Acrocoris* pertinet.

Spiniger albispinosus Fallou.

Fuscus, hemelytris dilutionibus, articulis primo et secundo antennarum, basi et apice hujus exceptis, spinis thoracis et scutelli, margine laterali lobi postici pronoti, limbo costali corii tibiisque, basi et apice exceptis, albidis, lobo antico pronoti et scutello nigricantibus. Caput albosericeum, oculis totam altitudinem capitis occupantibus, articulo antennarum secundo primo fere quadruplo longiore. Lobus anticus pronoti vittis quattuor argenteo-sericatis signatus, spinis duabus et tuberculo majusculo conico laterali armatus, anguli laterales lobi postici in spinam producti. Spina

scutelli leviter reclinata. Pedes plumosi, inermes. — Long., ♂, 19 mill.

Mas : Venter per segmenta quinque prima carinatus.

Acidoparius albispinosus Fallou, *Le Naturaliste*, 1889, p. 151.

Brasilia (Minas Geraes).

S. luteispino Stål affinis, multo minor coloribusque divergens.

Spiniger paganus n. sp.

Fuscus, limbo costali corii dilutior, articulis duobus primis antennarum, apice secundi excepto, ferrugineis, spinis lobi antici thoracis, dimidio apicali spinæ scutellaris tibiisque, basi et apice exceptis, albido-testaceis, spinis lobi postici thoracis dimidioque basali spinæ scutellaris nigris. Caput, vittæ aliquot lobi antici pronoti scutellumque argenteo-sericea. Oculi totam altitudinem capitis occupantes. Articulus antennarum secundus primo circiter quadruplo longior. Lobus anticus pronoti spinis duabus et tuberculo perminuto laterali armatus, anguli laterales lobi postici in spinam brevem producti. Spina scutelli nonnihil reclinata. Hemelytra apicem abdominis longe superantia. Pedes inermes. — Long., ♂ 13-13,5 mill., cum hemelytr. 15,5-16,5 mill.

Mas : Venter per segmenta quinque prima carinatus.

Brasilia (Minas Geraes).

S. tibiali Stål affinis, sed multo minor et notis allatis facile distinguendus.

Spiniger Sipolisi Fallou.

Rufus, collari, lobo postico pronoti, limbo laterali abdominis hemelytrisque, limbo lato costali corii excepto, griseo-albidis, antennis, articulationibus anguste pallidis exceptis, maculis duabus lateralibus capitis, altera basali, altera mox ante oculos, maculis sex basalibus lobi antici pronoti in fasciam subconfluentibus, linea media longitudinali lobi postici pronoti marginem basalem haud attingente, maculis duabus mediis prosterni, vittis duabus mediis mesosterni antice extus curvatis et angulum lateralem anticum attingentibus maculaque laterali prosterni et mesosterni nigris. Oculi totam altitudinem capitis occupantes. Articulus antennarum secundus primo fere duplo longior. Lobus anticus pronoti

spinis duabus et tuberculo parvo laterali armatus, anguli laterales lobi postici in spinam rufam producti. Spina scutelli erecta. Pedes parce pilosi, femoribus anterioribus subtus spinis tribus distinctissimis distantibus armatis, tibiis anterioribus subtus denticulatis. — Long., ♂. 18 mill.

Mas: Venter usque ad basin segmenti quinti carinatus, segmento sexto ad basin subearinato. Anguli postici segmentorum quattuor primorum leviter acute prominuli.

S. Sipolisi Fallou, *Le Naturaliste*, 1889, p. 151.

Brasilia (Minas Geraes).

Ad divisionem *ee* (Stål) subgeneris *Acrocoris* referendus.

Adn. Pro generibus tribus Reduviidarum neotropicarum, quorum nomina præoccupata sunt, nomina hæc nova propono :

Diarthrotarsus n. = *Lycimna* Stål (Walker, Lepidoptera, 1860).

Pselliopus n. = *Milyas* Stål (Walker, Lepidoptera, 1858).

Patago n. = *Hoplogenus* Stål (Laferté, Coleoptera, 1851).

Captures nouvelles de l'ÆPOPHILUS

Quatre articles, déjà parus dans cette *Revue* (1884, 313 ; 1886, 318 ; 1887, 336 ; 1890, 236), ont fait connaître les mœurs de l'*Æpophilus Bonnairei* Sign., et donné la liste de ses localités.

Depuis que le dernier de ces articles a été publié (1890), l'*Æpophilus* a été découvert dans deux localités nouvelles des Iles-Britanniques, savoir :

1° A Lyme Regis (Dorsetshire), en août, par M. Kilburne (*Ent. Month. Mag.*, 1890, 273), et 2° à Totland Bay (île de Wight), par M. Champion (*Ent. Month. Mag.*, 1894, 258), qui en a trouvé la larve fin juin.

M. Keys (*Ibid.*, 1890, 249) a fourni également quelques détails sur les mœurs de ce curieux Hémiptère sous-marin.

Récemment (septembre 1904), M. Pierre Fauvel, professeur à l'Université catholique d'Angers, a retrouvé l'espèce dans les rochers du Hommet à Cherbourg. C'est en France la localité la plus septentrionale connue.

A. FAUVEL.

Staphylinides exotiques nouveaux

3^e Partie (1)

PAR ALBERT FAUVEL

OXYTELU S Gravenhorst

A. — ESPÈCES D'INDO-MALAISIE

O. punctipennis *.

♂. *Ox. luqueato* Marsh. affinis, sed dimidio minor, angustior, mandibulis rufis, palpis piceis, articulo ultimo testaceo, elytris albidis, basi extrema inflexa et epipleuris vix infuscatis; capite minore, frontis margine antico angustiore, angustius incrassato, vertice haud sulcato, parcius punctato; thorace antice minus angustato, angulis anticis subrectis, posticis magis indicatis, dorso 5-sulcato, sulcis externis internis latioribus, profundis, disco et lateribus punctis aliquot tantum notatis; elytris magis transversis, punctura sat densa, licet quam in *luqueato* fortiore et parciore; abdomine fere impunctato; segmento 6^o ventrali apice medio obsolete bidenticulato, inter dentes vix emarginato; 7^o apice medio in patellam rufam, parum incrassatam producto amplissime distinctus. ♀ latet. — Long., 4 mill.

Sikkim : Darjeeling (*Christie*).

Unique.

O. barbatus *.

♂. *Ox. lucenti* (Fvl.) Bernh. vicinus, nitidissimus, niger, elytrorum disco squalide testaceo, palpis piceolis, articulo ultimo, mandibulis, ano summo pedibusque testaceis, tuberculis anten-

(1) Voir *Revue d'Entomologie*, 1904, p. 76 à 112.